

五代徐温子知證封江王知諤封饒王嘗提兵平福州父老
戴之圖像以祀宋賜名洪恩靈濟宮永樂中曰禱有應封加
金闕玉闕真君

庚寅太子太傅吏部尚書尹旻降太子少保時鄒龍襲以蔚州
衛指揮使張旺等徠復下襲錦衣獄詞連旻等襲除名郎中
鄭宏降一級負外郎鄒賢主事脩珍俱調外襲為旻鄉人又
善旻子翰林侍講龍素善襲及侍讀焦芳龍素至通州留數日
芳等為通張旺輩作奏及襲引狀 上令旻等對狀旻自服
免太子太傅左右侍郎耿裕黎淳並罰俸


壬辰汾川王貢餘進封肅王

癸巳都督僉事劉寵卒臨淮人世寧夏左屯衛指揮僉事

甲午免鳳陽等府去年秋租六十六萬五千七百餘石

乙未命戶部清理畿內庄田

戊戌命鎮守貴州太監張成總兵官都督僉事吳經右叅將
都督僉事彭倫等調兵討清平都勻苗賊初巡撫右副都御
史謝景請徵四川湖廣近衛官軍土兵四萬餘人勅曰苗賊
肆兇出師扑滅至計也第念前此亦曾興師致討屢以捷聞
然大兵方出賊知即逃及其甫歸跳梁如故蓋緣苗性靡常



依險負固貪功之徒未反傷及無辜爾今詔諭諸夷何久聽
撫化又復攻圍搶殺是何堡塞軍民與爾有仇明白訴告照
依夷俗體例為爾處分如賊執迷不從即于貴州屬衛及都
督僉事彭倫所轄衛所再調官軍土兵一萬密切討賊務出
萬全勿墮敗計若畏感輸服即仍撫定庶不濫及無辜貽患
鄰境

己亥以漢陽劉家湖稅課銀給襄王三年

壬寅太僕寺少卿王景卒靈璧人成化丙戌進士授樂安知
縣治最擢御史遷通政司叅議名頗減

河南蝗

是月傳奉官四十餘人

五月乙卯犯大同指揮谷振進之中流矢

戊午刑部右侍郎侶鍾憂去


癸酉傳陞通政司蔣宗武為禮部右侍郎太醫院使任儀胡
廷寅張倫俱右通政

乙丑翰林侍講尹龍有罪除名并奪吏部尚書尹旻太子少
保免官時東廠官校發龍納賄下錦衣獄諸給事中張雄劉
清劉昇御史陳孜等交章劾龍并及旻 上宥旻令法司錦

國權

成化二十二年

八



衣衛逮龍及通賄通判王範經歷張燧于午門拷訊併得禮部郎中劉紳兵部員外郎董寧周知朱紳按察副使何顯王錦馮蘭獄上草旻宮保勒致仕龍削籍範燧謫外劉紳等各執問降官責侍郎耿裕等旁視阿默停俸三月紳尚書劉昭子也科道官并劾昭 上宥之工部右侍郎設倫故善龍獨不及罪官校復緝其靡帑事削倫籍太常寺少卿劉淳亦調外以張雄劉孜等不早言各謫外

癸酉卜入獨石城及洗馬林堡

六月甲戌朔故宮人楊氏贈恭僖夫人予祭葬

乙亥勅諭群臣曰朕惟人君國治必先得賢人臣輔治必謹奉法 太祖高皇帝創業貽謀百司庶務具有成憲 列聖相承守而勿失朕繼統遵承夙夜兢 恒思人輔柰歲月滋久文恬武嬉往往恣情玩法墮職愆事形迹敗露已置憲典尚慮爾諸臣罔知儆戒以致名節不立功業無聞國家何補焉特茲戒諭當各怵然奉公或內省有疚須痛自懲艾稱朕求賢圖治之意


瀧水縣盜起命總督兩廣右都御史宋旻撫捕之

己卯福州興化地震

國權

咸化二十二年

九



癸未陝西旱鼠食苗稼

乙酉申王府婚姻禁例

免應天寧國徽池安慶去年秋糧


鎮靖堡把總侯紀遣卒二十餘人出塞收馬值下失六人

誅潞城知縣王濬初潞城有盜居一村嘗燻死其家十六人
聞捕之急遁其家屬居村中莫誰何他日濬捕彰德盜皆潞
城村人因拘眷屬以致之盜晝至潞城下擄平人書其臂曰
為我語令速釋眷屬不且殺令濬惧出眷屬三十六人分食
于民各擁入土窖燻殺之而縣輸賦于巡撫金多賈濬欲

治治人治人恐亡入京師發前事于東廠朝命刑部員外郎
蕭仲賢按之竟坐濬磔死濬先任御史有聲降縣丞進知縣
性強悍同刑有父子二人相語我則已矣如王令不亦冤乎
科臣聞之原問官自布政使而下悉降罰有差刑部侍郎何
喬新亦伏罪 上諭法司曰刑重事也所司慢之其尚明慎
毋曠厥官有不敬由是惟府辜

丙戌免陝西災租八十五萬三千三百餘石

武靖侯趙輔卒輔字良佐鳳陽人出世濟寧衛指揮使正統
末進都指揮僉事尋署都督僉事充叅將鎮守懷來累禦



天順未營建功進後軍都督同知成化初征大藤峽賊功封
其年充提兵官征建州俘斬最進侯輔少俊辨有才幹喜交
文士故薦起自偏裨至大將南征北伐亦有勞效然功多矯
飾晚疾廢猶進方書求子任事為人所誚顧武臣能文自郭
登後獨輔矣追封容國公謚恭肅

丁亥巡按浙江監察御史劉魁被訐下獄降黃梅縣丞
已丑金星再晝見

辛卯光祿寺少卿胡恭為寺卿

廢克城王膺錕為庶人膺錕凌母擊兄居父喪酣飲禱城隍

不驗並燬之有忤者輒剪其頭髮至是幽高墻除

壬辰守廣東珠池都知監左監丞党鈿提督廣東潮州

陝西大雷雨漢中府寧羗衛俱地裂十餘丈寶雞縣裂長三


里橫丈餘漂五十餘家

錦衣衛指揮理鎮撫司章瑾疏上不謹失引罪調南京

癸巳脩撰兼校書傅瀚為左春坊左諭德

丙申入涼州等衛

己亥寧河康僖王宮人王氏楊氏張氏段氏俱自經殉王贈
夫人



南京太常寺奉祀朱昂有罪除名昂世守泗州皇陵

庚子戶部尚書殷謙被劾罷

夜金星犯井宿

辛丑吏科給事中潘洪秩滿吏部擬都給事中特令外補邵

武知府

是月臨海縣火温台大旱

七月庚戌寧府石城王奠堵薨年六十謚恭靖

工部右侍郎設倫故善尹龍而不及罪至是厥校發其侵沒

官錢除名

壬子太常寺少卿劉淳以通尹氏降柳州知府

癸丑募人納芻粟于蘭州給餉

丙辰右春坊右庶子汪諧左春坊左諭德程敏政主試應天

鑄各門照出大小銅関防三十七枚


辛酉增設陝西寧羗州轄略陽沔二縣

前少保吏部尚書謙身殿大學士商輅卒字弘載淳安人正

統乙丑進士第一授脩撰己巳直內閣庚午進學士壬申兵

部左侍郎兼學士尋左春坊大學士天順初除成化丙戌起

原官歷今銜平粹簡重有大臣之器年七十三卒贈太傅謚



文毅

壬戌守備鎮夷甘州右衛指揮蘇洪追下敗沒

增吉安府推官理刑

癸亥時順天蝗武清獨無是日蝗忽大至知縣韓倫禱之蝗即徑過不害也人奇之

丁卯太僕寺卿潘禮堯易州山啟

金齒衛地一日再震戊辰又震俱聲如雷

戊辰廣西猺賊自正月以來累掠慶遠殺千戶二人

庚午降給事中張雄烏蒙府經歷劉昂姚州判官劉清石阡

府經歷以知設倫侵沒不舉也

壬申翰林侍講學士焦芳降桂陽州同知坐為指揮張旺草奏也


八月癸酉朔巡撫江西右僉都御史閔珪降廣西按察使以不能弭盜也

故興寧伯李震卒南陽人襲 衛指揮使正統中征兀良

哈麓川香爐山功進都督僉事天順四年充總兵征武岡黎

平賊五年征兩廣貴州蠻進都督同知成化初征荆襄賊進

左都督後征靖州苗封爵有謀勇久在湖貴苗獠畏之稱金



牌李但貪功好進專事交結竟以是敗

甲戌禁太岳太和山樵蕪并復民間侵地

戊寅陝西巡撫鄭時言五事盡誠敬以回天意明理義以杜
妖妄減進貢以蘇民困息傳奉以抑僥倖重名器以待有功
詞多切直降貴州布政司左叅政陝西旱飢時百方賑卹至
是西人如失乳

太常寺卿顧珏請妻祭壘予之

己卯侍讀學士李東陽左春坊左諭德傅瀚主試順天

壬午御史周洪坐薦潞城知縣王濬降永寧宣撫司經歷


癸未順天府丞董傑降肇慶府同知

甲申戶部左侍郎秦紘降廣西右叅政御史劉璧降鶴慶軍
民府同知高輔降福建監運司同知大理寺丞劉燾降連州
知州禮部員外郎楊榮調漳州通判刑部員外郎袁弼調寧
州同知御史于璧降遼州判官張鼎彬、判官俱山東人謂
黨尹氏也

己酉大理少卿吳原為寺卿

御史李政奏獄遺漏謫洋縣知縣

丙戌署欽天監事禮部右侍郎康永韶以進歷訛字劾免



戊子以九江船鈔三分之二給荆王半年復已之

已丑吏部左侍郎耿裕為尚書

甲午廣西按察使孔鏞為左布政使

夜金星犯軒轅星

丙申漕運叅將署都指揮僉事都勝為署都指揮使充總兵官提督漕運仍鎮守淮安

已亥工部尚書劉昭改戶部南京右都御史李裕為工部尚書巡撫蘇松右副都御史李嗣為戶部右侍郎巡撫雲南右副都御史程宗為刑部右侍郎貴州左布政使章律為右副

都御史巡撫雲南

御史汪舜民巡按陝西奏獄失詳降蒙化衛經歷

免邳徐去年夏麥十萬四千二百餘石

庚子免保定今年夏麥萬餘石


是月傳奉官九十

九月癸卯朔南京兵部左侍郎馬顯致仕 上附批曰南京米

貴民飢尚書王恕叅贊機務無一策賑濟知其老劣矣可草

太子少保亦致令仕盖恕屢諫忤旨也其直名聞天下諺曰

兩京十二部獨有一王恕



甲辰江西左布政使王克復為右副都御史巡撫蘇松

衡山縣地震

夜大星青白光自中天流近濁

乙巳免河南今年麥四十一萬九千九百餘石

丁未左春坊左諭德林瀚展墓

署太醫院事禮部左侍郎蔣宗武院判董璨下獄免以收藥

材侵折金也

庚戌免廣州去年田租十一萬六百餘石

辛亥成都地震明日亦如之

壬子司經局洗馬羅璟調南京禮部員外郎時璟起復吏部

請補 上責其闕久不補也

復岷世子膺鈺理事

勅福建按察僉事楊俊專守汀州上杭兼筦漳南道備盜

夜月犯十二國代星

癸丑免順德府今年麥

甲寅巡撫山西右僉都御史邊鏞回院


岷州地震

丙辰工部主事王純乞召還王恕云昔莊助論汲黯于漢武

國權

成化二十二年

十六



帝稱為社稷臣恕近之矣 上曰恕未有社稷功純何得妄

引命杖訊謫思南府推官

丁巳兵部尚書馬文升改南京

庚申申定監生撥歷之制

癸巳減諸司辦事半年


乙丑重建洪恩靈濟宮成

傳陞錦衣衛指揮使黃英為都指揮使舍人黃佳黃蓋為百戶俱內官監太監黃順親及家人也

命刑部左侍郎何喬新往勘四川播州宣慰司楊氏初宣慰

楊輝嬖其庶子友欲奪嫡子愛諸酋不從輝矯奪大壩鎮算諸寨立懷遠宣化二長官司又割播州凱里五十二寨設安寧宣撫使立友為使年十三巡撫張瓚輒為輝請畫旨會愛母死友母益橫專結凶黨誣愛友交通唐王朝廷疑愛故遣喬新即訊友母子又輦金寶賂諸權貴欲喬新囚愛待命衆藉為友游說必欲去愛喬新至盡得友子母奸惡罪

田汝成曰播凱之亂其初不過楊輝奪嫡之私耳安一夷酋上書誣人以逆兵部不覈實而遽許興師非徇情何以有此張瓚欺君曲法造福百年蔓延邊徼其後展轉調停



不過分疆別省耳貸禍首而不究將何以服諸夷哉

丁卯手勅改兵部左侍郎尹直為戶部左侍郎兼翰林學士
直文淵閣

傳改右都御史屠滂于南京召致任左副都御史劉敷為右
都御史禮部郎中高啟為順天府丞兵部郎中王祿為太僕
寺少卿蓋內有為之地也

是月傳奉官十五人

十月壬午朔乙亥杖御史楊澄李混于朝以失糾儀也
命錄囚


昏刺大星白光照地自大陵流壁宿夜金星犯進賢星

丁丑吏部右侍郎黎淳調南京奪尚書耿裕俸時進士陸燾
擬鎮江推官以鄉籍乞改任部不為覆請也

已卯刑部尚書張鑿憂去

巡撫山東右副都御史盛顥致仕

庚寅吏部尚書耿裕調南京禮部改工部尚書李裕禮部左
侍郎徐溥于吏部溥仍兼翰林學士署大理寺事工部尚書
杜銘為刑部尚書禮部右侍郎謝一夔為工部尚書右通政
黃景為禮部左侍郎兵部右侍郎何琮為左侍郎太常寺卿



劉宣為吏部右侍郎翰林學士倪岳為禮部右侍郎巡撫延
綏右僉都御史呂雯為兵部右侍郎右僉都御史邊鏞為左
侍郎右副都御史馮貫為大理寺卿

辛卯 英廟安妃楊氏薨

宥刑部尚書張鑿罪杖給事中李瓚趙竑呂獻可朝時軍職
犯大辟獄上誤寫其衛名也

夜月入鬼宿犯積尸氣

癸巳申廣西守卒失班之禁

夜月犯軒轅左星


丁酉湖廣左布政使黃紱為右副都御史巡撫延綏

中書舍人梁蔭本市民進奉得官夸尹旻之去實其力 上

聞之削籍

復建大永昌寺

己亥英國公張懋保國公朱永俱進太傅兼太子太師襄城
侯李瑾定西侯蔣琬新寧伯譚祐昌寧伯趙勝俱太保兼太
子太傅大學士萬安少傅兼太子太師劉吉少保兼太子太
傅侍郎彭華為禮部尚書尹直兵部尚書俱太子少保蓋出
上手勅云



禮部主事龍騰霄更名壽仍諭京職奇名異字者併改之
平陽地震

是月傳奉官十五人

十一月丁未袁輅嗣廣平侯 袁容孫

河南左布政使吳節為右都御史巡撫山東

龍門千戶所地震

己酉南京吏部尚書陳俊致仕進太子少保賜勅

庚戌命僧道官仍考試入選

夜金星犯房星宿

辛亥南京太僕寺少卿林鳳終養特改太僕寺

癸丑巡按廣東御史徐同爰等報占城國王子古來攻殺安

南所置偽王提婆苔安南怒來攻古來率千餘人走廣東崖

州命善撫之


甲寅沈坊嗣脩武伯 沈襟子

乙卯行人王勉降四川酉陽宣撫司經歷勉以萬壽節上十

二事皆鄙陋 上責其沽名

脩顏子廟

丙辰以覈餉大同各關多侵盜至三十餘萬遂停巡撫山西



大同都御史左鈺黃淇俸各三月下戶部郎中張倫叅政劉忠叅議梁之麟副使雍泰徐諫僉事馬隆徐輝等獄
丁巳太常博士李振行人茅欽朱悌知縣劉纓李瀚張濬張泰張璉王表王塘徐禮譚肅張恕為試監察御史璉表等俱南京

庚申夜月犯軒轅星

壬戌夜大星赤光燭地自天苑流近濁

丙寅更定會試取士南數五十三人北數三十三人中數十人

丁卯右通政李孜省為通政使陳政為左通政元守直張璞為右通政田景賢陳琬為左叅議


夜寧夏地震

己巳始命錦官一人守登聞鼓先有婦訴寃自刎者傳陞左通政施欽為通政使

免淮安鳳陽徐和麥

是月傳奉官五十三人

十二月癸酉戶部尚書劉昭被劾草太子少保致仕初陝西飢許輸粟授武職例不視事支全俸昭子綺納錦衣千戶支全



俸典鑿與見劾

甲戌復趙府群牧所官軍

丙子陳信嗣平鄉伯 陳政子

夜寧夏地連震三次

戊寅免吉安等府田租三十一萬九千餘四十餘石


甲申傳陞橫州知州教毓元為河西縣丞去年毓元以進士

值星變應詔上言前史所載星變不一然未有聲而在日在

春王之正月在正月之元旦者是歲地震既正月二日今歲

星隕又正月元日誠莫大之變矣 陛下脩省誠果至盡乎

群臣罷宴似矣大臣旋賜綵段未聞大臣與天子共理天下
翻以星變見賞抑果愧之乎然大臣恬然受之亦可嘆矣佛
寺罷建似矣何僧道神佛繪像之賜去歲林俊張黻以直言
去國 陛下悟其直而復其爵然所言之人然偃然居位如
故而彼二人遠置南京至誠之道似不如此臣惟四事當警
懼而脩省者為 陛下言之大臣者朝廷之股肱多出于左
右之私雖厠具瞻寔則漫無可否故天下大柄歸于內臣致
勢焰薰灼傾動一時 陛下方且庇之以為我之私人此內
臣日重大臣日輕然重者既挾其所重恣城狐社鼠之威輕



者又借力于所重為蠅營狗苟之謀則今日政事之隳紀綱
之紊皆大臣失職之所致也臺諫者朝廷之耳目近來選擇
皆取體之魁梧姿之俊偉更不問才識始而選之既不精及
其去之又太甚又不見補使臺諫之位十有五虛是豈盛世
之事耶老佛者害吾正道近來信之敬之欲賴以垂祐生民
與則黃冠緇流終年祁雨竟以致旱將以延壽則梁武宋徽
終焉賈禍此其不足信之明驗也名器者辨別貴賤比來傳
奉之詔大起于內廷銓擢之權不專于吏部竒衰左道彼何
人斯亦得坐膺金紫之榮工匠藝術彼何為者亦得與吾縉

紳之列 后家何勲得世襲伯爵妃家何功得世為都督太
保滿朝內臣蔭子甚至寫道經戲異香冠帶無慮三千致使
飛金布羽捷進旁蹊遺寶囊珍巧趨曲徑 聖朝之濫如此
胡後民膏血以養此銅臭無用之物哉 陛下于此四事改
弦易轍本至至誠則天變可回矣 上啣其直留中復循例
放歸至是吏部奉旨遠徙之

內官熊保使河南道橫又索賄邏校以聞降南海子淨軍時
中官斃人多不償死遂為常後


乙酉趙承嗣武靖伯

趙輔子

國權

成化二十二年

三



丙戌免梧州田租

夜月犯鬼宿

丁亥刑部右侍郎侶鍾降曲靖知府太僕寺卿張海降鶴慶知府俱坐尹氏黨又憂去以漕船載其母柩也

戊子免順德府秋租

夜月犯軒轅星

己丑南京大理寺卿宋欽致仕

庚寅免廣平府秋租

辛卯免順天麥

癸巳韓府樂平王冲篋薨年八十二謚定肅

乙未勅吏部嚴課大計


命廣平分巡海南道滿歲回司

辛丑侍講學士李東陽憂去

五百餘騎犯陝西哈家壩都督同知廖斌等擊敗之斬十八級

是月傳奉官十八人

是年鎮江知府熊祐奏草種馬尚書余子俊執奏止之



國權

成化二十三年丁未

正月巳酉太原地震

庚戌 上南郊時大霧咫尺不辨

辛亥皇十一子祐楷生母恭妃楊氏

皇貴妃萬氏薨氏諸城人父貴縣吏謫霸州進女掖庭侍

上青宮機警善迎合遂負殊寵回廢 吳后六宮希得進居

昭德宮後移安喜宮嘗男裝戎飾 上益嬖之權閹汪直錢


國權

成化二十三年

一

益官設遷孺木著

國家圖書館, NATIONAL CENTRAL LIBRARY, TAIWAN, R.O.C.



能輩假貢獻弄柄竊權俱藉焉 上郊回得訃震悼輟朝七

日謚恭肅端順榮靖塋天壽山西南

皇五女薨賜號長泰公主


甲寅吏部大計罷斥千五百十三人初劣目四老疾罷軟貪
暴素行不謹至是李裕奏增才力不及以處遲鈍偏執者著
為令

庚申御史陸完等劾禮部尚書張文質戶部左侍郎孫仁南
京工部尚書胡拱辰巡撫兩廣宋旻貴州謝景湖廣馬馴俱
衰懦工部右侍郎杜謙巡撫宣府李岳堯理河道右通政楊

恭南京右通政徐九思俱奔競南京刑部尚書張瑄工部右
侍郎劉俊堯糧右副都御史袁愷巡撫河南趙文博巡撫甘
肅唐瑜俱乏清譽戶部尚書李行編酷太僕少卿王祿不愜
輿論俱宜免 上曰張文質孫仁胡拱辰謝景杜謙李岳李
衍俱令致仕餘冠帶閑住宋旻王祿仍留

荊州地震

辛酉命南京右都御史屠滸諭占城國王古來于廣東蓋古
來堅欲入訴朝議遣諭古來不如早歸以安國人仍檄安南
存亡繼絕之義故有是命



癸亥應天府丞楊守隨調南寧知府以李孜省脩却也

甲子尚寶司少卿李溥乞恩命加左通政

乙丑免真定災麥萬三千八百七十餘石絹六千二百餘匹

卜三萬騎將窺莊浪告急命京營指揮使顏玉赴邊

丁卯南京侍講學士徐瓊為南京太常寺卿署國子祭酒

戊辰巡撫鳳陽左副都御史李敏為戶部尚書致仕都御史

余子俊為兵部尚書南京吏部右侍郎王傑為戶部左侍郎

工部右侍郎賈俊為左侍郎南京右副都御史白昂為南京

兵部左侍郎左通政陳政為工部右侍郎右通政黃孔昭為

南京工部右侍郎

陝西廣西雲南左布政使吳櫝孔鏞羅明廣西右布政使劉

斌大理寺少卿張錦俱為右副都御史櫝巡撫湖廣鏞貴州

明甘肅斌河南錦宣府山西右布政使李器為南京右副都


御史提督糧儲

國子司業費閻為左春坊左諭德仍司業事

己巳侍講李傑為侍讀學士仍清黃

免陝西去年麥五十六萬三千一百餘石

庚午編脩楊守陟為南京侍讀故事編修無南者蓋孜省遷



免湖廣去年秋租九十一萬九千三百餘石

是月傳奉官二十人

二月辛未朔四川右布政使周為為右副都御史總督漕運巡撫鳳陽

甲戌免鎮江前年災租十一萬一千六百七十餘石

丙子 皇太子婚鴻臚寺卿張巒之女

丁丑兵部尚書兼翰林學士尹直右春坊右諭德吳寬主試禮闈

已卯許試錄犯御諱下一字者不問貢士乙榜年二十五以

上俱就教官六年得鄉舉許會試

庚辰傳加通政使李孜省禮部左侍郎

工部奏直沽新河例三年一濬宜行巡撫都御史李田役卒

六千人仍給口糧從之

壬午致仕巡撫湖廣劉敷召至為右都御史敷在楚無善狀以鄉人李孜省力也


癸未太僕寺卿吳原為戶部右侍郎提督倉場修撰曾彥為南京侍讀

洮州地震

國權

成化二十三年

四



甲申遼東游擊將軍羅雄充右叅將分守錦義二城

乙酉左副都御史邊鏞通政司左叅議田景賢巡視大同等處關口

廣平衛地震

丁亥吏部郎中曾鑑為右通政提督騰黃

戊子左春坊左諭德吳希賢為南京侍讀學士署院

己丑唐府真寧王邃埏薨年四十七謚康簡

壬辰卜屢寇遼東

丙申光祿寺卿楊惇卒六安人

進士通敏有才

夜火星犯井宿

戊戌江西流賊萬餘人入廣昌縣

己亥傳召江西省祭官楊立授中書舍人直文華殿


盜入良鄉武清四川番賊入阜康城

傳奉官四十四人

三月丙午葬貴妃萬氏

丁未太子少保禮部尚書彭華致仕

乙卯策貢士程楷等三百四十九人于奉天殿賜費宏劉春等進士及第出身有差



已未曉刻月犯南斗魁星

靈壁地震

壬戌編修教山檢討鄭紀為江西浙江按察副使

癸亥免山東去年災租

山西都指揮使李澄為署都督僉事

丁卯進士程楷蔣冕屈伸遠達黃穆傅珪萬弘璧倪阜華巒

吳儼李漢仲裴羅玘蘇葵鄭炤歐陽鵬伍符翁健之李遜學

鄒智石瑤李充嗣唐希介蔡呆毛紀劉丙任儀嚴价楊廉潘

楷選庶吉士右春坊右庶子汪諧左春坊左諭德兼檢討傅

瀚教習

四月辛未太監鄭強平江伯陳銳兵部左侍郎白昂督修 孝

陵皇陵

癸酉致仕禮部左侍郎楊宣妻王氏妬悍殺使女十餘人事


聞下宣獄贖杖仍致仕王氏杖五十

甲戌故大學士楊榮曾孫昂乞入監許之

瓦剌養罕王將入寇以哈密罕慎報我憾之掠其刺木城入

與阿力古多合謀犯甘肅且欲姻罕慎罕慎不從巡撫唐瑜

謂哈密力不支則將及赤斤罕東宜假罕慎以名使因臣節



拯卹赤斤苦峪 上從之賑赤斤餘民米千石

乙亥克台溫處去年秋糧

復開浦城縣銀冶

夜月掩火星

丁丑太常寺卿兼翰林侍讀學士王獻卒獻字惟臣仁和人
景泰辛未進士選庶常授編修脩撰左諭德壬辰進學士丁
酉少詹事戊戌遷太常性穎敏強記詩文多可觀與商輅有
連忌者造謗沮其進贈禮部右侍郎予祭塋謚襄敏

庚辰釋輕囚

癸未太僕寺卿潘禮為工部右侍郎理易州山廠

丙戌衛輝地震


戊子 皇太后聖慈仁壽徽號詔天下

庚寅傳授鈞州人朱思四品散官思善黃白吐納之術

辛卯左軍都督同知李彬致仕子勳襲錦衣衛指揮僉事

指揮使顏玉還自甘肅謂屢挫且河冰開難入也玉上脩
邊六事從之

壬辰諭文武群臣曰朕憂亢旱虔心祈禱自二十五日為始
各加祇慎毋或怠違



編脩劉戩為侍講

乙未卜犯大同射死守墩百戶王瑀

是月傳奉官七十餘人汰匠官半俸八十八人

五月壬寅東鹿縣昏刻大晦聲如雷尋青氣墜地掘黑石二

丙午巡撫四川右副都御史劉璋請贈謚宋儒延平李侗從祀文廟下禮部

丁未河南左布政使李昂為右副都御史巡撫河南時多盜庚戌錦衣衛正千戶徐安為指揮僉事安錦衣軍匠正統己巳陷下來歸

乙卯遣廷臣齎香帛分禱天下山川祈雨

代州天再鳴聲如砲

丙辰諭文武群臣曰上天示戒旱久田枯民庶心惶民甚憫之寬恤刑獄遍禱神祇雨尚未也寬未伸與用未節與困未蘓與抑爾百官罔上而屬下與朕已節減用度疎放官人爾等各體朕心痛自脩省紓朕憂閔元々之意

丁巳開封河溢傷稼


戊午夜月犯木星

工部尚書謝一夔字夔字大韶新建人天順庚辰進士第一

國權

成化二十三年

八



授脩撰歷左諭德學士禮部右侍郎和易平寔篤于友誼惟
遷尚書云得李汝省力可議也年六十三贈太子少保予祭
葬謚文莊薛應旂憲章錄言閔珪之調人謂一夔為之鄉人
忌一夔者纂脩寶錄遂併入云又當事以其嘗有謹晏費以
足財用之疏故以永昌寺難之辭疾不允遂忽邁卒鄉人少
詹事寺汪諧贊善張元禎皆同年也

庚申番禺新會等縣地震


甲子大同總兵官都督同知王璽脩邊三萬九千二百三十
二大成

乙丑鬱林陸川等賊黃公定等三千餘人大殺掠總兵官安
遠侯柳景等分五路進兵擒九十三人斬千九百八十五級
賜獎勅

丙寅行人林塘張禎張文推官涂濤知縣馬良玉歐陽旦吳
裕馮玘張鸞李澄汪律陳振李文吳秀蔣勛李厚徐富為試
監察御史推官孫紘知縣周洪徐濬李端姜綰為南京試監
察御史

六月己巳朔免陝西屯租十八萬六千四百八十餘石

命巡撫遼東劉澹脩糧芻賜朵顏等三衛時下首那兒等三



萬餘騎掠大寧金山老河三衛被逐入關

徐州蝗

壬申南京吏部右侍郎黎淳為左侍郎

甲戌釋故廣寧伯吳琮遣戍

丙子逐私闖三千餘人

乙卯封同鎮周王貢鏞肅王原沔王安瀨周世子寵浚遠世子

寵濂光澤王寵汕肅寧王榮渡通城王當泚東甌王奇淮河

東王聰澂饒陽王成鏐昌化王祐棨清流王見洎臨漳王

左軍都督僉事李英卒義州人世大同前衛指揮僉事

庚辰定武秩隱匿舍餘久近之法

辛巳前南安知府張弼卒華亭人成化丙戌進士授兵部主

事自員外郎守南安有惠政文行並著

乙酉夜月犯木星

巳丑除真人胡守信軍籍

乙未青田縣葉珠四歲能書求入國子監許之

七月庚子編脩劉震為侍講


辛丑瑞安張天保七歲能書舉入京于禮部習書

乙巳兵部尚書余子俊入京復太子太保

國權

成化二十三年

十



都指揮使朱遠有罪免官

戊申封 皇子祐杭興王祐榆岐王祐檣益王祐梓衡王祐
標雍王

南京右戶部右侍郎李和字本中安陽人天順丁丑進
士授吏科給事中質厚未嘗短長人父廢疾出入和負之雖
久不惰

己酉岷世子膺鉅嗣岷王

癸丑免綏德衛屯租

夜月食

乙卯昌寧伯趙勝卒勝字克恭世永平衛指揮使其封不以

軍功時頗誚之贈昌寧侯謚壯敏

歙縣訓導周安上治安備覽四策多俚謬遣之

丁巳進萬安少師友二俸


戊子遣刑部官三人論囚兩畿江西

庚申暹羅入貢

故監察御史贈大理寺丞鍾同謚恭愍

辛酉詔京城九門復種苜蓿

癸亥起復兵部右侍郎萬翼為南京禮部左侍郎



甲子進宸妃邵氏為貴妃張氏德妃郭氏惠妃章氏麗妃姚氏安妃王氏敬妃唐氏榮妃楊氏恭妃潘氏端妃岳氏靜妃丙寅右僉都御史張悅為工部右侍郎

丁卯故南京禮部左侍郎章綸贈尚書謚恭毅

是月傳奉官四人舊城俸半支許全支者五十餘人

八月壬戌朔襄城侯李瑾偕朱永提督十二營

庚午前南京工部右侍郎劉俊卒寶雞人

甲戌夜月犯心後星又大星青白光出自中天流近濁五小星隨之

已卯定西侯蔣琬卒琬字重器江都人少敏悟獵涉書史好吟咏然尚氣挾詐追封涼國公謚敏毅

庚辰 上不豫

壬午寬治天下諸司偽吏


甲申命 皇太子攝朝文華殿

戊子 上大漸召 皇太子至誨諭備悉

己丑 上崩年四十一遺詔諭文武諸臣

李維禎曰詩有之靡不有初鮮克有終人情哉 純帝初

載亦何其斤、也中官幸禱祠繁而治墮矣 錢后之祔



廟食 景命之復位號此二者雖甚盛德無以加也

鄭曉曰 帝仁恕英明少更多難練達情理臨政蒞人不
剛不柔有張有弛進賢不驟而任之必專遠邪不亟而御
之有法值卜寇教侵邊惟遣將薄伐不勤兵以竭我財力
卜亦離散內外寧輯荆襄嶺海時有寇竊推轂之際戒勿
妄殺或不用命賞罰兼行崇上理學襄封儒賢江淮大祲
截漕賑飢星文示變側身省過臣工進諫即涉浮偽時有
干忤薄示譴謫旋蒙召復若乃尊禮 孝莊追尊 景帝
保護汪后褒恤于謙其于愛憎恩怨絕無芥蒂 帝惇然

于天理倫彛者也以故雖屢有異災而國家康靖矣

何喬遠曰 上聰明仁恕淵默勤恭事 母后如古帝王

郊廟齋祭必極誠敬 景帝嘗有封沂之命未嘗一語及

之委任大臣畧無猜忌或即干紀屢斥無疑一聞四方水


旱亟下所司賑濟或給內帑重惜人命斷死刑累日乃下

夙興視朝但遇雨雪輒放常參官而不廢奏引隆寒盛暑


減恤衛士侍立之勞至如南園 祖宗時不廢游獵 上

未嘗一幸焉時作詩賦以賜大臣諸司奏章手自披閱字

畫差錯亦蒙清問臣下益謹莫敢或欺蓋 上守成之君





值重熙之運兵革不試萬民樂業垂拱而天下治矣
設遷曰卹飢察冤求言課吏先後史不絕書而于胡僧幸
閹斜封墨勅之濫亦不能為 帝掩也當其時朝多耆德
士敦踐履上恬下熙風淳政簡稱明治者首成弘焉而或
有遺議則汪直李孜省繼曉輩蝕其一二于全照無大損
也尺璧之瑕烏足玷 帝德哉末諭太子以敬天法祖勤
政愛民之道儼然周成之遺訓也說者曰 帝初敏易儲
以太山屢震而止噫 帝能尊 錢后復 景帝俱事出
常情之外而乃輕視東宮必不然也






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





Inches 1 2 3 4 5 6 7 8
Centimetres 1 2 3 4 5 6 7 8




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black


國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393408 v. 25 1

國家圖書館, NATIONAL CENTRAL LIBRARY, TAIWAN, R.O.C.





孝宗建天明道誠純中正聖文神武至仁大德敬皇帝

御諱 祐 禮

憲宗純皇帝第三子也母淑妃紀氏成化六年七月己卯生

時畏萬貴妃弗敢言成化十一年五月 上始知之賜名

太皇太后親撫之六月紀氏遽薨深自晦也十一月即立為

皇太子九歲出就學善讀未嘗悞 上作文華大訓講必拱

聽典壘單吉日夕啟導凡句讀禮文朝事民情俱詳說源委

上耳就馬儲養啟聖吉之力也

成化丁未八月戊辰朔戊子 憲宗賓天


已丑頒遺詔

國權

成化二十三年

十四

國家圖書館, NATIONAL CENTRAL LIBRARY, TAIWAN, R.O.C.




甲午禮部右侍郎倪岳等卜山陵

九月壬寅 上即皇帝位大赦詔曰維我 祖宗聖聖相承膺
天明命為華夷主其創業守成神功聖德誠度越往古矣暨
我 皇考大行皇帝嗣統深仁厚澤覆冒海隅二紀於茲而
憂勤求治之心猶宵旰靡遑因臻遠豫遽出綴衣忍聞憑几
之言猥以神器之屬哀疚方殷因知攸措時親王文武群臣
下及士老軍民合詞伏闕勸進至於再三乃遵遺命九月六
日祇告天地宗廟社稷即皇帝位顧茲付畀之重深懼仔肩
之難勉圖弘濟一惟恢張治道惠綏黎元用底阜成躋于熙

皞庶衍皇明億萬年無疆之祚其以明年為弘治元年夫當
居正體元之初宜布更新恤下之典合行事條開列于後云
云於戲 祖宗皇考大經大法啟佑我後人者纖悉具至繹
思體行在于鈔躬尚賴遐邇宗親內外忠良同德一心恪恭
乃事以逮予之不逮誕告多方咸使知悉
丙午工部以甫詔寬恤喪儀物料不便取民乞如天順八年
例發內府見儲從之

丁未署通政司事禮部左侍郎李孜者太常寺卿鄧常恩趙
玉芝凌中顧珏顧經曾克彰黃大經江懷李成等被劾成甘



州等衛太監梁芳常興陳喜降南京御用監少監閑住都督
同知萬喜降指揮使都指揮同知萬達指揮同知萬祥降副
千戶署太醫院事通政使施欽仲蘭降太醫院使任義章淵
劉文泰降院判鄭文貴降御醫蔣宗儒錢宗甫降醫士胡廷
寅削秩法王領占竹札巴堅忝等佛子釋迦啞兒答國師捨
刺星吉等下禮部審處俱禮科給事中韓重監察御史陳穀
等所劾


申刻金星畫見

戊申 上御西角門視事

賜寧王唐王瀋王慶王周王襄王鄭王岷王肅王遼王蜀王
楚王晉王淮王代王伊王魯王各三百金紵絲羅十五雙紗
十五匹錦三匹鈔三萬貫德王宗王吉王徽王荆王趙王韓
王鎮安王白金錦同紵絲羅紗殺其五鈔二萬靖江王二百
金鈔一萬餘同

吏科給事中王質等上四事斥異端罷進獻汰冗官禮大臣
上以異端冗官進獻已議之召見文武大臣朕自處置其衰
老許自陳

南京吏部主事夏崇文考滿入京上言簡學行名臣備講讀



仍便殿大書舊章故事于屏便觀覽更遠邪佞裕府庫裁光
祿冗費草賦役宿弊放珍禽竒獸禁竒技淫巧省匠作整馬
減裡河船隻去異端邪術則 聖德脩而朝廷亦正矣 上
甚是之

雲南道御史向榮上言佛子法王假延壽之名供具侍從倍
于王侯近日 先帝不豫文武臣庶皆齋戒一心分詣各觀
設醮誦經竟不能少延一日之壽以慰臣下迫切之情則不
足信明矣乞方士之類盡行送逐 上以成事寢之
庚戌賜文武群臣軍人民等銀幣

安南國王黎灝入貢以大喪免引奏宴使臣徽樂


南京光祿寺卿雷澤卒定襄人天順八年進士

暹羅國王隆勅刺略坤息利尤地亞入貢上金葉表使臣坤
江悅等言本國番書與回、書互用近者請封金葉表及符
檄間有同異乞賜辨而番書不易諳命止用回、書

辛亥作茂陵內官監太監黃順御馬監太監李良保國公朱
永工部左侍郎陳政督工

壬子南京戶部尚書潘榮致仕

進士李文祥授咸寧縣丞文祥浮薄試之南京吏部主事夏



崇文以為言不納

甲寅宣府龍門衛地震夜萬全都司地震

乙卯上 大行謚憲宗繼天疑道誠明仁敬崇文肅武宏德
聖孝純皇帝

丁巳魚臺縣丞徐頊上言 先母后舊痛未伸請追謚遷葬
且詰萬喜等罪籍其產下廷議于是禮部等乞令中官密訪
萬貴妃近御人等求其確又逮萬氏戚屬曾入官者下詔獄
訊問 上以 兩宮明諭諸浮言置之初萬安劉吉懼私謂
尹直曰我絕萬妃家跡已久矣幸 上慈明不追獄

戊午頒謚詔

己未山西右布政使王繼為右副都御史巡撫福建

庚申城廣昌縣

脩仁壽等宮

工部右侍郎張悅脩京通倉

辛酉總督漕運右副都御史周勳復邱姓

編脩王鏊為侍講


夜月犯御女星

癸亥罷御馬監把總都督同知李玉白玉以傳奉也

國權

成化二十三年

六



下俱奪秩

己巳大理寺左少卿楊理陝西布政使梁璟並為右副都御史理巡撫河南璟巡撫湖廣兼督理軍務

直文華殿大理寺卿朱奎太常寺卿任道遜被劾許致仕奎道遜俱國子生善書傳陞

庚午鎮守延綏總兵官都督同知魯鑑致仕

甲戌戶部左侍郎王傑為南京戶部尚書南京吏部左侍郎黎淳為南京工部尚書南京禮部右侍郎侯瓚為南京戶部左侍郎南京大理寺右少卿吳道宏為南京大理寺卿

陝西都指揮使陳輝為署都督僉事靖副將軍總兵官鎮守延綏


夜月犯木星

乙亥上 聖慈仁壽太皇太后 皇太后尊號

夜大星自畢宿流北河光燭地尾跡化白氣如蛇曲

丙子立 皇后張氏頒詔

傳陞通政使任傑李景華太常寺卿陳敷太僕寺卿楊杞各降都司經歷光祿寺少卿干信工部尚書朱義尚寶司少卿嚴勳降外衛知事餘四十七人降布政司照磨都司及長官



司吏目

丁丑罷左府都督同知李俊

戊寅漕運總兵官著都指揮使都勝為中府署都督僉事
已卯即廣東封占城國王子古來為王護歸國勅安南還其
侵地初給事中李孟暘行人葉應受使而古來以安南奪國
奔廣東命南京右都御史屠瀟往議瀟奏占城八州二十五
縣安南盡之成化時入訐始歸邦都郎馬那里等四州五縣
又以一州三縣與叛臣提婆苔提婆苔死欲盡與其子而古
來子蘇麻及頭目萬人方固守待復遂有是命

武城後衛改茂陵衛

壬午夜月犯昴宿四星

癸未左府都督同知王瑛致仕

甲申裁南京僧道錄司教坊司官


丁亥華蓋殿大學士萬安免安寡廉鮮耻 上宮中檢遺篋
皆媚術悉署曰臣安進使太監懷恩示之大慚猶覩御史姜
洪楊萬等彈之使懷恩示安展讀跼泣不言去安摘其牙牌
而出乞休給廩役在道猶夜望三台星希復召

戊子刑部尚書杜銘劾罷

國權

成化二十三年

主



汰傳陞錦衣衛官遞降有差

己丑衍聖公弘泰入朝

壬辰上 恭恪莊僖淑妃紀氏尊謚孝穆慈惠恭恪莊僖崇
天承聖皇太后

癸巳吏部左侍郎兼翰林學士徐溥直文淵閣

賜各邊吏卒人二金凡六十一萬五千三百二十餘金

停刑

夜大星卷舌長丈餘流至奎宿

甲午旱災免永平夏麥

乙未趙府臨漳王見道乞祭墓暫許之

十一月丙申朔頒洪弘治歷

戊戌進士鄭富林廷玉祝徑王璽葉紳鄭宗仁魏珏胡瑞王
綸孫孺張朝用劉益楊瑛盧亨魯昂胡金李潭韓祐龐泮柴
昇為給事中

裁京通倉場總督太監淮安徐州臨清倉監督內臣


宣府副總兵都督僉事江山致仕

國子監生楊璽上八事崇大化殷周祖廟居中子孫昭穆各
有門堂寢室墻周之今 太廟祖宗同殿父坐子立姑尊婦

國權

成化二十三年

三



卑禮也皆坐未安乞假殷周改奉歲享曰尊聖道孔廟從祀
顏路淵之父曾皙參之父孔鯉伋之父孔弗伋之叔子伋列
正殿父叔在兩廡似失序乞別祀叔梁紇顏路曾皙孔鯉孔
弗侑之國學周池建橋復古制曰肅風紀進士教官監生許
選科道曰重守令九年滿秩曰慎選舉曰便鹽課四川鹽井
量地遠近灶戶自納曰通鈔法正人心毀永昌木石工匠寺
章下所司

辛丑吏部尚書李裕劾免

癸卯右都御史劉敷劾免

甲辰設浙江孝豐縣隸湖州

乙巳起王恕吏部尚書南京兵部尚書馬文升為左都御史

南京禮部侍郎尚書耿裕改南京兵部尚書戶刑部左侍郎李嗣

程宗俱左侍郎巡撫左僉都御史葉淇為戶部右侍郎


右副都御史彭韶為刑部右侍郎

己酉南京陝西道御史繆樗等上五事曰勤正學曰擇正人乞

斥直閣學士尹直禮部侍郎黃景都御史劉敷通政司叅議

陳琬太僕寺卿李溫少卿林鳳大理寺丞宋經侍郎萬翼通

政使張苗太常少卿牛綸尚書杜銘鴻臚寺卿周嵩應天府



尹于冕寺太常寺卿徐瓊曰復制內官供事內府罷漆設鎮
守分守守備曰務節儉曰慎名器 上是之

辛亥鄭府朝邑王祈鎔薨 靖王之子 年五十五謚榮簡

癸丑直閣兵部尚書兼翰林學士尹直禮部左侍郎黃景被
劾免直給驛


甲寅曉刻大風霾

乙卯加劉吉少傅兼太子太師徐溥禮部尚書兼文淵閣大
學士少詹事劉健為禮部右侍郎兼翰林院學士直文淵閣
少詹事兼翰林侍講學士楊守陳為吏部右侍郎右春坊右

庶子汪諧左春坊左諭德程敏政俱少詹事兼翰林侍講學
士左右諭德傅瀚陸欽左中允周經俱太常寺少卿兼侍讀
學士李傑左庶子仍兼侍讀學士右諭德謝遷吳寬俱左庶
子兼侍讀侍讀王臣侍講董越俱右庶子兼侍講太常寺卿
兼正字謝宇為工部右侍郎署通政司

夜順聖川地震

丙辰署國子監事禮部右侍郎邱濬為禮部尚書署詹事府
吏部左侍郎劉宣為左侍郎濬進所著大學衍義補百六十
卷 上善之賜金幣刊于福建



陳龍正曰觀大學衍義補益覺衍義之精簡動人真經筵之善物也邱書泛漫冗雜殊無啟沃使人主流覽至此豈不虛心目之力哉欲當類書脩稽問又嫌未詳正晦翁費所謂記誦之習其功倍于小學而無用者惜哉故儒者無反約之功不可以著書不足以事君

丁巳巡撫按直隸御史湯萬請講 祖訓及典謨訓誥貞觀政要通鑑綱目大學衍義等書又太監蕭敬李榮宜罪傳奉官宜遠戍致仕尚書王竑王恕巡撫都御史彭韶致仕僉事章懋等宜擢用章下所司時李榮調孝陵神宮監

戊午逮前少監梁芳常與陳善及遣戍李孜省鄧常恩趙玉芝吳猷黃大經黃越下錦衣獄以印綬監太監蔣琮等言其假創寺觀廟塔糜帑無算罪浮于罰

辛酉工部右侍郎張悅改禮部右侍郎

十二月戊辰 憲宗純皇帝之喪百日禮部請如制易服 上素服如故

琉球國王尚真入貢


增臨洮鞏昌通判治屯田水利

曉刻木稼

國權

成化二十三年

二五



己巳巡撫四川劉璋為工部右侍郎廣西按察使閔珪為右
僉都御史整飭薊州兵備兼巡撫順天巡撫山東左鈺改巡
撫大同


庚午右春坊右庶子董越工科右給事中王敞使朝鮮侍講
劉戡刑科給事中呂獻使安南俱頒詔

辛未賑江西旱災減田租

故制勅房山東布政使左叅議凌暉贈太常少卿予祭葬歸
其喪舊直東宮

癸酉設贛州叅將兵備副使

丙子御史曹璘請 上行三年喪孝養兩宮萬貴妃有罪宜
告于 先帝遷葬削謚 上以喪養朕所自盡遷葬削謚其
止勿復言又進士潘府奏行三年喪曰子為父臣為君皆斬
衰三年漢文帝遺詔短喪景帝苟從晉武帝欲行不能魏文
帝行之不盡宋孝宗銳然復古然行于上不能行于上今乞
力排群議斷自聖心定為三年之喪、不廢禮朝不廢政使
天下萬世仰為綱常之共主願不偉哉疏上哀經待命閣議
左之禮部右侍郎獨從倪岳其言定儀注三年不鳴鐘鼓不
受朝賀朔望宮中素服



林之盛曰潘南山之品故有定論其宦蹟抑何磊々也予
嘗謂先生請行通喪羅文毅諫奪情俱起本朝百年一
人然非我 孝皇又何能採用其說哉

戊寅 憲宗純皇帝梓宮發引廣寧伯劉璇都督陳瑛等護
喪有悍少人甲隊中殺人後御史陳璧疏劾

壬午葬 茂陵 孝穆皇太后祔葬

未刻大風霾

癸未撫治鄖陽右副都御史何經疾去

甲申勅戶部主事楊奇經理邊儲

丁亥國子助教苑寬滿秩加檢討

己丑 憲宗主祔 太廟次 宣宗東向

巡按直隸御史曹璘上十事修聖學納諫諍釋怨女慎將領

謹細微 三千營 達官 節財用寬租賦息異端惜名器 指揮袁輅 嗣廣平侯 章


下所司


唐王芝址薨年五十四謚曰莊

庚寅四川右政布使謝士元為右副都御史巡撫四川南京

大理寺左寺丞翟瑄為右僉都御史巡撫山西兼提督鴈門

等閑





辛卯奉 孝穆皇太后主于奉慈殿

左春坊左諭德署國子司業費閏為祭酒福建左布政章格
為南京光祿寺卿南京兵部職方郎中李應禎為南京尚寶
司卿

李孜省死于獄

癸巳旱災減湖廣田租十之六

丙申進吏部尚書王恕太子太保

國權

鹽官設遷孺木著

弘治元年戊申

正月丙申朔 上謁奉先殿朝 兩宮出御奉天殿受朝

丁酉御奉天門視事

庚子南京太僕寺丞文林上八事開言路謹好惡率舊章簡
賢才崇寬厚勤政事飭武備命詳議以聞
癸卯侍講劉震為右諭德署國子司業

丙子 上南郊

國權

弘治元年

庚戌江西流盜二千餘人寇信曲 昌叔廣昌知縣莊英
夜月犯軒轅右星

壬子兵部尚書余子俊上事均選法廣儲積脩武備慎刑罰
上善之

甲寅召前太常寺卿童軒署欽天監事以監副吳昊薦

貴州布政使左叅政鄭時為左副都御史撫治鄖陽時前巡
撫陝西降叅政

御史湯萬乞申明律例并劾禮部尚書周洪謨附權右侍郎
倪岳予太監黃賜母喪左侍郎張悅服駮裾南京兵部尚書

馬文升縱子奢淫萬安尹直去少傅劉吉在位宜大明黜陟
上不問

乙卯南京戶部尚書王儼黎淳調南京吏禮部尚書

朝鮮貢使沒於通州歸其喪

臨潼知縣徐鏞為淮安知府姚州判官劉昂為叙州知府

丁巳南京光祿寺署正李浩上所纂通鑑斷義賜紵鈔


己未考察武職鎮守等官于是鎮守寧夏東寧在後湖廣

都督同知馮昇貴州都督僉事吳經等皆罷

庚申南京刑部尚書何喬新改刑內部尚書

國權

弘治元年



曉刻月犯南斗

壬戌趙鑑求嗣祖昌寧伯以流爵止襲錦衣衛指揮使

卜寇密雲古北口

西卜寇靖卜南京守都備指揮廖斌等禦卻之斬三十七級

癸亥伏恙伯毛銳為平蠻將軍總兵官鎮守湖廣陝西都指

揮同知傅泰為征西將軍署都督僉事總兵鎮守寧夏前府

都督僉事彭倫鎮守貴州

甲子禮部以左副都御史邊鏞禁賜蟒衣爾雅云蟒者大蛇

非龍也蟒無角無足龍則角足具焉今織蟒俱為龍遂禁賜

并織者

琉球例二年一貢入自閩今自浙且非期卻之

乙丑作 茂陵器祭

左都御史馬文升等言岳鎮海瀆等祠廟皆前太監及奸人


鄧常恩作石函周函符篆內貯金書道經一卷金銀錢寶石

各數枚五穀各一升為壓鎮又刻祝文于石恐損 先德令

有司毀石函石碑從之

戶部員外郎張倫言二事曰惜爵賞內臣輒賜蟒玉大臣繫

進師保恐示人以僭曰免差遣盜賊妖言每差官校滋擾今



後惟責撫按勘報并罷東廠報聞


閏正月丙寅朔 上御奉天殿受朝朔望御殿自此始

巡撫順天彭韶乞減大興宛平昌平瀋縣之役蘇民困從之
丁卯宥方士鄧常恩趙玉芝死戍邊鎮夷所肅州衛又指揮
僉事濟寧崔鳳鴻臚寺主簿謝轉掌靈濟宮吳猷太常少卿
黃大經子鴻臚寺丞越並逮免死戍邊

前指揮使張紀指揮僉軍事任義千戶馮宇沈達成鉄嶺衛
百戶楊春鎮撫徐昌袁凱等戍開平衛初太監梁芳常與張
軒莫英陳喜皆獻珍珠見幸自是京師效之紀等日採獻一

珠直數十金言官劾其弊

戊辰脩 純皇帝實錄英國公張懋監脩大學士劉吉尚書
徐溥禮部右侍郎劉健總裁禮部尚書邱濬吏部右侍郎楊
守陳少詹事汪諧副總裁陳敏政等纂脩召南京翰林侍讀
曾彥楊守陞予告左諭德林瀚侍講謝鐸編脩張元禎江瀾
宅憂侍講學士李東陽右諭德陸簡編梁儲劉忠鄧煥張天
瑞檢討楊時暢東陽俟服除至
己巳馬文升上十五事曰撫按各舉屬吏不公則連坐曰贓
吏有罪不許虛詞據拾原問官曰按察司官擇兩京法司屬



官曰分巡分官^守編歷郡縣曰巡城御史嚴逐左道邪術曰舉
監考選州縣與進士相兼兩司知府慎選部屬為之曰禁天
下科罰害人曰戶部歲覈天下官軍及王府祿糧并稅銀課
鈔等曰查京省寺觀僧道毋私創溢額曰勅戶禮工部核內
府供用某增某減著為定例曰清軍造冊送部 上命行之
嚴郵符惟鎮守巡撫總兵得給駟餘繳入
庚午雲南按察僉事林准以便養改常州教授
吏部右侍郎楊守陳請開經筵日講午朝召對 上許之
辛未河南按察使張昂為右僉都御史巡撫保定兼提督紫

荆關舊設巡撫至是復之

癸酉設 茂陵祠祭署

鹽商無子許親屬代支如前

乙亥山西按察使雍泰降湖廣右政司右叅政雍嘗擢太原
知府尹珍被訐下獄


增南京工部郎中毛科特勅理沿江蘆課自鎮江至九江
丙子致仕御史強珍南京刑部員外郎林俊為山東雲南按
察副使

庚辰進士馬政劉良朱綬鄭宗載范紳胡承祝福紀鏞陳端

國權

弘治元年

五



黃玄齡等為翰林檢討教諭周彭美李鏜周政萬鑰劉璉汪
成馬能楊塤董嘉言為待詔監生劉傲馮經邱永董森李儀
楊本清閔璟王士衡王璣夏綱等俱為中書舍人將直 興
王出閣

雲南水災免黑琅二鹽課司積負

辛巳江西信豐獲盜二百七十九人刑部郎中

往鞫臯

首盜餘戍邊

癸未錄註誤謫廢官前員外郎謫知州劉淳彭綱邵賢前主
事謫通判董序高鑑張景石魏趙明蘇章佟珍前中書舍人

謫衛經歷楊士敬前郎中謫知州朱紳鄭宏劉紳前員外郎

謫通判董寧前學士謫霍州知州焦芳前順天府丞謫


府同知黃傑

甲申命太監蔡用往廣西訪 考穆太后親屬仍勅總鎮兩

廣太監常春並總督兩廣右都御史宋旻總兵官安遠侯柳
等同訪之

丁亥宮人羅氏效勞久封佐勝夫人誥一品玉軸

山東河南山西陝西直隸災傷多減免定今年每石徵一金
庚寅罷浙江蕪湖荊州抽分御史




甲午賜故司禮太監懷恩顯忠祠內臣立祠自王振劉永誠
後為殊典覃吉覃昌常泰之賢亦有之餘祠寢廣祭壘尤濫
二月乙未朔南京御史吳泰等請用王恕直閣 上以蹇義王
直王翱故事用恕言無不聽直閣姑已之
定朝臣考察自欽天監外五品下悉聽吏部考課太醫院以
科道知醫者同院使院判品定
丁酉占城國王古來入貢
戊戌昏刺壽星見南方色赤黃
己亥黃塵四塞

辛丑興王岐王益王衡王雍王出閣就學

遣御史主事督崇文門南京上清河稅課餘委郡縣佐貳官
壬寅南京右都御史屠滂總督兩廣軍務兼巡撫福建左布
政使秦紘為左副都御史總督漕運兼巡撫鳳陽山東河南
左布政使徐貫蕭禎為右副都御史廣西貴州按察使許進
錢鉞為右僉都御史貫巡撫遼東進巡撫大同兼叅理軍務
禎巡撫陝西鉞巡撫山東

普令問刑官讀律詳讞

癸卯戶部尚書李敏言勞苦莫如農夫金婦請藉田時令農



夫十人常服終卧從之仍人賜疋布

甲戌晉世子竒源母喪乞廬墓勅止之

設遷曰 孝皇百日不釋服而于晉世子廬墓則止 允
愜人心矣矜竒者何為

乙巳鶴慶軍民府知府張海為順天府尹南寧知府陳守隨
為應天府尹

丁未 上耕藉田文武大臣行五推九推禮教坊陳雜伎其
語狎在都御史馬文升正色曰而曾第陳田家作苦使新天
子知艱難而褻猥何也叱去之

封哈密衛左都督罕慎忠順王兵部言哈密甘肅孤懸河外
太宗設赤斤罕東等衛領袖西戎又設哈密衛封脫、忠順
王鎖鑰北門然後甘肅獲寧脫、之孫亡嗣以其甥把塔木
兒為都督殺于土魯番子罕慎襲都督克復故城國人再請
封宜如脫、故事從之

御史徐瑁賀霖下錦衣獄 上藉田觀者填道瑁霖督捕失
承旨


辛亥左春坊左諭德張昇為左庶子兼侍講

壬子曉刻金星犯壘壁陣西星

國權

弘治元年

八



丙辰禁朝臣私札請託

遣廷臣分祭 祖陵皇陵孝陵徐王楊王墓岳鎮海瀆歷代
帝王孔子真武等神及各藩先王


丁巳先是御馬監左少監郭鏞請預選淑女服除立二妃左
春坊左庶子謝遷上言六宮之制固所當備而三年之憂豈
容頓忘今山陵未畢諒陰猶新柰何遽有此事必進言者諛
詞動聽廣嗣續綿本支臣竊以為過矣 陛下春秋向盛將
見天必降休維熊維罴不期然而然矣何必汲汲為此哉禮
部覆從之

浙江景寧縣屏風山有物如馬色白萬餘首尾相啣從西南
石牛久之浮空而遠半日始滅父老樂乘高言正統間亦然
朝鮮國王李婁入賀 兩宮尊號及 皇后貢方物

辛酉勅英國公張懋大學士劉吉知經筵事大學士劉健同
知經筵事禮部右侍郎倪岳少詹事汪諧程敏政太常寺少
卿傅瀚陸欽周經祭酒費閻左庶子李傑張昇謝遷吳寬右
庶子董越王臣直經筵侍講保國公朱永襄城侯李瑾吏部
尚書王恕余子俊戶部尚書李敏禮部尚書周洪謨劉爟邱
濬工部尚書賈俊左都御史馬文升工部右侍郎謝宇大理

國權

弘治元年



寺卿馮質侍班侍講王鏊脩撰王華李旻編修張潔楊傑劉忠于材徐鵬展書

甲子逮南京衛錦衣指揮僉事章瑾媚梁芳專市寶石盜帑無美傳陞錦衣尋調南京至是被劾下獄永成肅州

卜寇廣寧擊敗之

山東右布政使夏寅卒寅字正夫華亭人正統戊辰進士力學善治嘗任浙江右叅政分守處州尺檄下盜立散

三月乙丑朔命吏部每季進職名略節粘文華殿便覽

戊辰吏部尚書王恕請幸學釋奠用幣太宰分獻官陪拜從


之改分獻曰分奠

庚午南京禮部員外郎羅璟為福建按察副使霍州知州焦芳為四川按察副使俱督學

夜廣西融縣大雨雹壞城舍

癸酉上幸太學釋奠御彛倫堂祭酒費閭說講命惟天聰明節司業劉震講乾卦大人天地合德節

刑部郎中潘淇普化判官王徽為四川陝西布政司右叅議乙亥卜乘冰渡河寇蘭州安會都指揮廖斌等擊敗之斬三十七級



南京考功主事儲確薦謫普安州判官丁璣潛心理學刻籍
意躬行景東通判張吉學博行端河西縣丞教毓元賦性介
直思南通判王純議悖氣鯁全棄之嶺海蠻獍之間毒霧瘴
氛與死為隣臣竊痛之又見咸寧縣丞李文祥敢言裨政而
大臣陽培陰挫臣謂五人既直言干前寧變節干後與其施
求敢諫之士不若先用已試之臣伏乞置風紀之地幸采必
有可觀取裕在南京聞而重之

丙子開經筵宴諸臣左順門賜金幣有差自是每月二日講
文華殿

丁丑始日講亦朝畢御文華殿閣臣侍班為常

岷府江川王音塾以武岡瘠隘許遷寶慶


戊寅賜故齊庶人賢姝子三人孫二人名增宅資婚嫁

己卯定左順門午朝

壬午致仕南京吏部尚書錢溥奏成化十一年十一月八日
立 皇上東宮二十五日詔至南京臣時侍講學士迎詔朝

陽門 孝陵瑞雲如盞曾獻禎應頌乞付史館從之

癸未前巡撫保定右副都御史葉冕卒上虞人正統十年進
士有治才



仍通邸報以禮科都給事中李道暘

言張璠泄旨禁之

丁亥裁大理寺右評事四人罪因例不詳右寺

已丑勒南京守備太監錢能閑住毋入京

庚寅南京內園火又狂人叩長安右門大呼良久而遁

辛卯壽州知州劉槩上四事總攬大權存恤大體頻御經筵

大開言路 上納之

壬辰考察朝臣降斥有差

四月丙申增廣東按察副使整飭瓊州兵備

戊戌國子監生張裕言各邊鎮守守備內臣宜如舊河南等

內地宜罷又有司行鄉飲禮或濫舉豐飲乞停止部議先撤

廣東鎮守太監常春申明賓禮從之

庚子工部右侍郎劉璋脩京通倉

辛丑琉球國官生蔡賓從貢使入南雍以祭酒劉宣加恤令

為吏部侍郎乞通贊謝許之

壬寅招撫山西垣曲陽城等飢盜五千餘人擒魁惡八百餘


人錄有司功

先是尚寶監奉御姜榮以用寶奉天門忽齮署尚寶司左通
政李溥至真血隱之司丞胡恭以語

舍人孫廷臣發其

國權

弘治元年



事逮榮置對杖二十降小火者溥聞不_方廷臣贖杖徒還秩
癸卯分守代州兼提督鴈門等關都督僉事周墾鎮守陝西
乙巳琉球入貢

己酉巡撫雲南章律為南京左副都史

庚戌致任太常寺卿童軒召至仍署欽天監事

禮科給事中張九功乞正祀典曰朝廷常祭外釋迦牟尼等
佛三清三境九天應元雷聲普化天尊之祭金玉闕真君元
君神父母之祭諸宮觀有水官星君諸天諸帝之祭非所
以示天下禮部覆從之凡齋醮遣告并東岳真武城隍靈濟

宮仍祀如舊草二徐真君帝號仍舊封江王饒王追毀袁冕

辛亥豐潤伯曹振提督操江

甲寅天暑釋輕囚

丁巳湖廣按察使楊繼宗為左僉都御史巡撫雲南視篆之
日除公禮畢降再拜曰明日宰相諒即疎貪酷八人為民階
土官襲秩鎮守三司勒保勘銀承行吏齋本人俱索厚賂沿
為例皆奏治之


茂陵告成

庚申天壽山雨雹

國權

弘治元年

三



辛酉追復廣東左布政使陳選官似，
常春刑部員外

郎李行巡按御史徐同爰罪 上不問

壬戌右春坊右庶子王臣請 上御經筵無闕大寒暑報聞

五月甲子朔左都御史馬文升言陝西通甘涼一路止蘭州浮

橋若賊數千據河橋則斷糧援乞預計之下兵部議行

丙寅勅刑部右侍郎彭韶巡視浙江初嘉興百戶陳輔作亂

糾眾劫郡庫釋囚大掠趨太湖捕之急自刎死

丁犯宣府永寧城殺掠

四川嘉瀘中南溪內江洪雅地震瀘州長寧雨雹

戊辰卯刻木星見

庚午卯刻金星見

辛未吏科給事中林廷玉請時召九卿詞臣虛心延訪仍設
給事中御史各二人侍班防欺諛章下所司


前南京吏部尚書錢溥卒溥字原博華亭人正統乙未進士
王振試薔薇露詩授檢討歷侍讀學士使安南尋坐累謫順
德知縣成化初復官南京至尚書和易通敏不詞翰而嗜進
輕脫士論勿重也賜祭塋謚文通

無錫人陳公懋上所著書穿鑿悖理之逐之

國權

元年

古



乙亥裁南京武職冗員

丙子南京雷震洪武門吻孝陵樹

丁丑昏刻月犯南斗

己卯考察閑住監察御史吳秀疑吏部左侍郎楊守陳中傷
傷奏辨削籍

庚辰曉刻金星犯六諸王星

辛巳賜故南京左府經歷張敬告身散救林俊謫知師宗州
改南幕卒其父在特給誥榮之

壬午右春坊右諭德陸簡為右庶子兼侍讀

乙酉初北下小王子率所部住大同近塞亘三十餘里至是
求貢書稱大元可汗勅大同守臣宣諭仍嚴備待之

丁亥吏部尚書王恕言聞臣之賈誼傅者傳之德教師者道
之教訓保者保其身體臣官太子太保以保為名誠愛 陛
下試志令講官時進講章玩繹間燕亦足進學非必陳儀衛
設酒肴乃為經筵也祁寒暑雨慎起居保聖躬亦不可不急
暫止經筵如天順成化間無所不可章下所司


戊午晉府永和王竒洵薨年二十八謚榮懷

前巡撫河南右副都御史孫洪卒昌邑人景泰五年進士

國權

弘治元年

五



曉刻月犯昴宿

己丑大理寺左少卿李介為左僉都御史巡撫宣府

存卹高墻廢人從宿州知州萬本之請

壬辰大理寺辦事進士董傑以王恕止經筵言經筵講學

祖宗舊典王恕特養舊知不聞將乃慮聖體恐費有酒所傷

以待 陛下甚卑失天下士大夫望


六月癸巳朔日食

乙未監察御史湯萬疏駁王恕皇恐乞休 上勉出之恕

言臣蒙恩首擢日夜思報外人但見 陛下待臣最重望臣

太深欲臣如宋起司馬光故事更張庶政時非熙豐臣亦何
人昨侍經筵臣等若汗浹背抑搔忍拭尚自不堪仰觀聖德
凝然不動切念臣下猶難何況人主當此血氣未定之時萬
一局頓是生疾病臣甚不安諸臣論列臣罪臣不能辨乞罷
上復勉留之

左春坊左庶子兼翰林侍講張昇以天變脩省先于輔臣大
學士劉吉偃然固位傾結科道昏夜款門祈免糾劾由是人
無言其奸試舉一二言之貴戚萬喜等兒熒肆行吉與結姻
及喜下獄猶為營救且父存各炊父喪起復盛取艷姬請託



受賂 上不聽

禮科都給事中韓重御史魏璋交劾昇私怨誣詆降南京工部員外郎

兩浙飢暫免綾紗紙札

丁酉襄王祁鏞薨年六十一謚曰定

鎮守寧夏署都督僉事傅泰平安肅人世金吾衛指揮使

庚子蕭縣進瑞麥十二本

南京工科給事中章之應以父綸景泰間脩德珥災陳乞付史館從之

乙壬寅巡撫大同許進乞驗放卜使定五百人入京時貢夷千五百三十九人騾馬四千九百三十八使館各京省歲造兵器減半輸納

甲辰南京戶科給事中方向御史黎鼎等劾大學士劉吉徐溥及南京守備太監陳祖生成國公朱儀南寧伯毛文尚書耿裕周洪謨侍郎倪岳呂震都御史邊鏞太常寺卿翟瑛右通政陳琬大理寺卿李溫少卿林鳳祭酒徐瓊通政司張苗鴻臚寺卿周嵩少卿牛綸有旨止罷苗嵩綸

丁未寧陽侯陳輔荒淫下獄斥為民年十八

